



UNIVERSITÄTS-
BIBLIOTHEK
PADERBORN

**Principia Juris Canonici : Ex Libro ... Decretalium Gregorii
IX. Pontificis M / Antehac In Alma & Archi-Episcopali
Benedictina Universitate Salisburgensi**

König, Robert

Salisburgi, 1725

VD18 80460526

11. De His quæ siunt à majori parte Capituli.

[urn:nbn:de:hbz:466:1-61800](#)

Ratio dubitandi est primò : quia negatio consensùs, cùm nullas habeat qualitates, per naturam probari non potest. *c. fin. causā 6. q. 5. c. bona 23. de Elec. l. 23. C. de Probat.* Et pro secundo probari non potest per testes : cùm extranei non admittantur ad Capitulum, ipsi verò Capitulares sint testes in causa propria, adeoque in idonei per *l. 10. ff. l. 10. C. de probat.* Tertio quia in casu, quo nullus tractatus, & positivus dissensus præcessit, sed ignorantibus Capitularibus alienatio facta est, non possent plures ex ipsis etiam Capitularibus de eodem dissensu deponere, sed quilibet solum de suo non consenitu, sìcque in suis dictis singulares forent, & nunquam duo in eadem assertione convenienter, quā ratione in electionibus duobus compromissariis, vel Senatoribus personam electam nominantibus creditur, et si centum sint electores, & omnes respondeant, se huic votum non dedisse. *c. cùm dilectus 32. de Elec.*

Verum modus specialis probandi traditur in *c. tertio loco. 5. de Probat.* juxta quod in rali casu etiam Capitulares, vel Conventuales pro testibus sunt admittendi, & prædictam negationem, seu defectum consensùs satis probant, si jurato deponant, se unanimiter contradixisse, dum facta est mentio alienationis: ex quo ea, quae in Capitulo aguntur, per extraneos probari non posunt, qui ad Capitula admitti non consueverunt: *c. veniens 38. in fin. de Testib.* neque tunc directè in causa propria testantur, sed ipsis Ecclesiæ. per *c. 6. & 12. Eod.* Illo verò casu, quo nullus tractatus, vel positivus Capituli dissensus præcessit, verum quidem est, quod plenè, & juridice defectus consensùs probari nequeat, licet singuli Capitulares deponant, se non consensisse, nihilominus quia non est credibile, omnes dicentes falsum, unanimis ejusmodi Capitularium depositio præsertim jurata, aliquam faltem præsumptionem, si non semiplenam.

probationem inducit de omisso consensu, ut propterea elidat illam præsumptionem contraria, quā alijs actus præsumunt legitimo modo celebratus. Hostiens. b. t. n. i.



TITULUS XI.

De his, quae fiunt à majori parte Capituli.

SUMMARIUM.

1. *Capitulum quid nominis?* 2. *Quid rei?* 3. *Quo possit convocare Capitulum?* 4. *Quipan sint Capitulares?* 5. *An etiam absentes vocari debent?* 6. *Qua dicantur negotia capitularia?* 7. *Inquit?* 11. *Quae conditiones requirantur, ut gesta per Capitulum valeant?* 11. *Cur congregatur Capitulum?* 12. *Quid juris circa ea, quae fiunt à majori parte Capituli?*

IN praecedenti titulo dictum est de his, quae fiunt à Prælato, & Capitulo simul: in presenti agitur de illis, quae fiunt à Capitulo, seu majorie eius parte.

§. I.

Capitulum derivatur à *Capite*, sub quo regi, & gubernari debet ad præbenda consilia. *c. novit.* 4. *de his, quae fiunt à Pralat.* & *c. cīns Clerici 19. de V. S.* Olim dicebatur *Consilium*, seu *Senatus Episcopi*, vel *Prælati*, ut patet ex *c. si Episcopus 73. causā 12. q. 2.* juncta *Gloss.*

§. II.

Definitur Capitulum, quod sit collegium 2 Capitularium cum suo Capite congregatorum pro tractandis negotiis spectantibus ad statum Ecclesiæ ipsorum.

Addidi: *cum suo Capite*; quo nomine intellige *Præpositum*, aut *Decanum*, qui pars præcipua Capituli est, ejusque appellatione continetur: *Gloss.* in *c. post electionem. 7. V. mentio. de Consess. prabend.* & *ibid. Panormit. num. 9.* non *Epitcopum*, aut *Prælatum*, ut pote qui Capitis à membris distincti locum ha-

habent, & non cententur de ipso Capitulo, vel
Canonicorum Collegio. Panorm. loc. cit. Fe-
lin in e. dilecti de M. & O. Gloss. in Clem. ut
ii. 2. de Etat. qualit. & ordin. præfic. Decius
conf. 642.

§. III.

3 Causa efficiens Capituli est Superior, qui
convocat Capitulum. Pertinet autem potes-
tis convocandi Capitulum in Ecclesiis Ca-
thedralibus regulariter ad Episcopum, qui si
rem majoris momenti Canonis proponen-
dam habeat, eam non aliis committere, sed
ipse tractatu personaliter interesse, vota sin-
gulorum exquirere, & secundum ea conclud-
ere debet. Quòd si tamen Episcopus absit,
vel de commodo ipsius, aut suorum agatur,
tunc convocatione ista non Vicario, seu Officiali
Episcopi, sed uni de Capitulo, ad quem de
jure, vel consuetudine spectat, v. g. Präpo-
sito, Decano, aut Seniori competit. Trident.
sess. 25. de Reform. c. 6. & ibi Barb. n. 42.
ubimisum addit, quod Episcopus possit Ca-
pitulum pro libitu convocare, dummodo non
proponat causam ad commodum suum suo-
rumque spectantem: Capitulum autem ipsum
se, quandounque vult, valeat congregare,
dummodo fiat solitis, & destinatis diebus,
nec eo tempore, quo Divina officia celebren-
tur, nisi causa urgens dilationem non patere-
tur, ut idem Barb. fusiū declarat in tr. de Can.
c. 35. per tot.

§. IV.

4 Subjectum Capituli sunt Capitulares, qui
congregantur. Veniunt autem nomine Ca-
pitularium in Cathedralibus, & Collegiatis
Ecclesiis Präpositus, Decanus, & cæteri Ca-
nonici: in Monasteriis Professi. Nec ta-
men ex illis, nec ex his omnes, saltem jure
communi, sed solum, qui in sacris, sive ma-
joribus Ordinibus ad minus Subdiaconatus
constituti sunt juxta Clem. ut ii. 2. de Etat. qua-
lit. & ord. præfic. & Trid. sess. 22. de Ref. c. 4.

quæ statuunt, ne quicunque Clerici sive laicu-
lares, sive regulares jure suffragii, ac voce in
Capitulo gaudeant, nisi Ordine quadam ma-
jori, saltem Subdiaconatus insigniti sint. Opti-
mæ ratione, ut ita, qui Divinis officiis manci-
pati sunt, propensi inducantur ad suscipien-
dos Sacros Ordines, & ne redditibus Ecclesia-
sticis suffarcinati retrocedant, & statui Cleri-
cali valedicant. Gloss. in d. Clem. ut ii. Jacob
Pignat. tom. 8. consult. 115. n. 1. Hinc vo-
cum datum ab eo, qui non est in sacris, invali-
dum esse, etiam si hoc sibi ab aliis fuerit conce-
sum, post Lecan. Cuch. Tambur. & alios do-
cet idem Jac. Pignat. tom. 1. consult. 226. n. 4.
Sanè in quibusdam Religionibus. quoties ma-
gni momenti negotia tractanda sunt, ex spe-
cialibus, & ab ipsis Ordinum fundatoribus
conditis, atque à Sede Apostolica confirmatis
statutis vocem in Capitulo Protesi quoque
juniores habent, teste P. Engl h. r. n. 7.

Juvat hoc loco attingere illam controver-
siam: an, & quando ad actum capitulare
vocandi sint capitulares etiam absentes?

Glossa in c. 2. de Testib. in 6. in tribus solum-
modo casibus absentes vocandos esse adstruit.
Primus est, cum eligendus est vacantis Eccle-
siae Prælatus. c. quia propter 42. de Elect. Se-
cundus, cum aliquis recipiendus est in Cano-
nicum, aut facienda collatio præbendarum,
& beneficiorum. c. cùm in Eccles. 33. de Prab.
& dignit. in 6. Tertius, cum indicenda est cel-
fatio in Divinis. c. quamvis de Offic. Ordin. in
6. Glossam sequuntur communiter alii propter
c. ea enim 2. causâ 10. q. 2. ubi ad alienationem
rei Ecclesiasticæ, quæ utique res ardua est,
non vocantur absentes, sed consensus majoris
partis ibidem servientium sufficere dicitur.

Verum Felin. in c. cùm omnes n. 22. de Con-
stit. Innocent. in c. 2. de Novi op. nunt. post
medium. Panorm. in eod. c. 2. n. 10. & in c. I.
n. 15. h. t. Layman in c. ult. n. 3. de Major. &
obed. tribus casibus Glossæ alios duos addunt.

& quidem in primis, si memoratis similes, aut magis arduæ causæ sint perrtractandæ: quandoquidem ratio unica Glossæ, cur in præfatis casibus debeat vocari absentes, stat in arduitate causarum. Deinde si, quod decernendum est, tendat in præjudicium solorum absentium, ut ipsamet Glossa notat in c. I. §. 7. constitutum b.t. per text. in l. per fundum. ff. de Servit. præd. rustic. Ego propterea in hanc sententiam magis propendo, quod extensio hæc, & absentium Capitularium vocatio spelet utilitatem Ecclesiarum, ac proinde favorabilis sit arg. c. cùm dilect. a. 4. de Conformat. util. vel inus. Ad c. ea enim 2. causa 10. q. 2. Respondeo, illam, de qua agit, alienationem, ut pote factam in casu lictu necessitatis, non tuisse magni præjudicii, & ibi Eccleiam cum moræ periculo absentes exspectare nec potuisse, nec debuisse.

§. V.

6 Materia, seu Objectum Capituli sunt actus ac negotia, ad quæ tractanda Capitulares vocantur, & in loco capitulari congregantur.

§. VI.

7 Formam Capituli respicit legitima Capitularium ordinatio, & modus capituloiter procedendi. Plura igitur concurrant, oportet.

8 I. Requiritur, ut omnes, qui jus suffragii habent, solenniter, id est, per edictum publicè affixum, campanæ sonitum, per Nuntium, literas, vel alio usitato modo vocati fuerint. arg. I. 2. C. de Decurionib. Quod si vel unus præteritus sit, potest agere de contemptu, & actum irritare: quia plus operatur contemptus unius, quam contradictione multorum. c. quod sicut. 28. de Elect. Atque hoc non tantum in materia electionis, sed universim in omnibus actibus, ubi consensus Capituli exigitur, observari debet. Panor. in c. I. n. 16. b.t.

II. Requiritur, ut Capitulares vocati in loco capitulari, vel alias idoneo uno, eodemque tempore congregentur: neque enim si quis

lorum disperita, sed communis demum, & simultanea eorum præsentia collegi formam præbet, noménque meretur arg. c. in genef. 55. de Elect. l. penult. & ult. C. de Legation. Unde tametsi singuli Capitulares se omni aliquid promittant, & suam voluntatem, ac consensum declarent, non potest dici capitulo consensisse, aut a clu[m] talem expedivisse, nisi communiter tractatus sit habitus. c. fin. b.t.

Sed quid dicendum de non comparentibus, & si forte non omnes Capitulares consultationi interfuerint? Et necessum non esse, ut omnes compareant, & absentium, si legitime convocati fuerint, rationem non haberi, modo duæ minimum partes ex toto Capitulo præsentes fuerint. arg. I. 3. & 4. ff. Quod cu[m] cuncte Universit. & ibi Bartol. n. ult. Boëdec. I. n. 4. Panormit. in c. I. n. 16. b.t. Jacob Pignatell. tom. I. consu. 43. n. 1. quippe Ordo alter non habetur, quam duabus partibus adhibitis. I. 3. ff. de Decret. ab ordine fac. Quamvis verò nonnulli contendant, duas partes semper adesse debere, & nolentes venire in numerum illarum duarum partium, quæ regulariter præsentes esse debent, non computari, sed rationem eorum haberi, nec absque illis posse quid peragi, per ea, quæ tradunt Everh. cons. 100. n. 1. Bursat. consil. 107. n. 3. Mod. Pistor. cons. 45. n. 67. verius tamen putem, si per contumaciam, & volentes absint, totam facultatem statuendi, accedendi residere penes præsentes, ut docet Panorm. in c. cùm omnes. 6. de Constit. & in c. in caus. 30. colum. 3. de Elect. adeò ut tunc unus solus præsens coram vocatis testibus votum suum dicere possit. Innocent. in c. 42. num. 5. Ed. & Ego cum Zœpolla ibid. sub. num. 23. sibi enim imputent contumaces, quod in contumacia sua pœnam votis suis careant, jurique suo ipsimet præjudicent.

III. Requiritur, ut congregato sic Capitulo res, sive negotium del. st. in, ab eo, qui præ-

presidet, exponatur, quod quilibet sententiam suam in medium proferre possit. Et siquidem major, & senior pars Capitularium conveniunt, pro eo habetur, ac si omnes convenient per e. i. b. t. & l. 19. ff. ad Municipalem. ut enim tritissimum sonat brocardum: *in rebus ad universitatem, ut universitatem, spectantibus majora concludunt.* Martin. Rume-
lin. disert. 3. ad aur. Bull. §. in addit. lit. a. Censetur autem pars major, quae numerō ex-
edit, habito respectu non ad alias partes in
diversa euntes, sed ad totum Capitulum præ-
sens, ut si ex duodecim Canonicis præsentibus octo, vel septem consentiant. c. si cui 23.
de Elet. in 6. Senior vero pars dicitur, quae majoratione, prudentia, & pietate nititur.
i. sana. 11. dist. 9. In dubio tamen, & nisi contrarium probetur, pars major, etiam senior præsumitur per e. illud. 5. dist. 23. c. in
infra. de Testib. & c. 21. de offic. deleg. Fagn.
ht. 1. b. t. n. 4. Porro pars minor quando sa-
nior est, majori quidem parti potest contradic-
tare, ejusque decreta mediante appellatione ad Superiorem impedire, decernere autem
omine Capituli sine illius consensu nihil va-
let, nisi pars major forte ob delictum jure sus-
fragii privata esset. Panorm. in c. cum in cun-
dit. 1. b. t. n. 11. Ern. Pirthing. n. 3.

§. VII.

II. *Finit*, ob quem Capitulum congregatur,
est communis Ecclesiæ utilitas. Ne ergo
Capitulares privatam utilitatem spectent:
quippe verissime alicubi Livius, quod respe-
ctu rerum privatarum offecerit, officiarque
publicis consiliis.

§. VIII.

II. *Efectus* Capituli est, quod vota majora
concludant, & pars major obliget minorem,
etiam invitam. c. fin. b. t. Quod procedit in ca-
su, quo agitur de jure communitatis, vel Ec-
clesie: secus si agitur de re, ac jure singulo-
rum: tunc enim locum habet regula: quod
KÖNIG IN DECRET. LIB. III.

omnes tangit, debet ab omnibus approbari. c. 29.
de R. J. in 6. & illa: *in re communī prior est*
conditio prohibentis. c. 56. Eod. in 6. nimis
ubi res communis ad plures non jure Collegii,
sed jure singulorum spectat. Quamobrem si
major pars Capitularium consentiat, aliquid
de suis redditibus remittere, & ad certum
usum pium applicare, reliquis non præjudicat,
nisi statuat, ut quilibet Capitularium certam
portionem reddituum contribuat ad reparan-
dam Ecclesiam Cathedram, quo casu pars
major ad se trahit, & obligat minorem, et
quod Canonici recipient quidam redditus jure
singulorum, non tamen omnino absoluto,
sed potius respectivo, & cum tacito onere ex
authoritate juris annexo, ut in casum necessa-
riæ reparationis conferant ex superfluis a. c.
fin. b. t. & ibi Barb. n. 2. & 4. Panorm. n. 7.
Pirthing. sub. n. 8. & alii uno ore.

TITULUS XII.

Ut Ecclesiastica beneficia
sine diminutione confe-
rantur.

D Enique post tradita de beneficiis, & be-
neficiarum collationibus, hic regula
statuitur, ut sine diminutione conferantur.
Quæ diminutio fieri censetur beneficiorum
unione: divisione: dismembratione: suppres-
sione: pensionis, aut oneris impositione.

Pars I.

De Beneficiorum Unione.

SUMMARIA.

1. *Unio quid nominis?* 2. *Quid rei?* 3. *Quotplex?*
4. *Quinam possint unire beneficia?* 5. 6. 7. *Quæ
beneficia uniri possint?* 8. *Quæ causa?* 9. *Quæ
solenitatis requirantur ad unionem?* 10. *Quis si-
finis unionis?* 11. *& seqq. Qui effectus?*

N

§. I.